

Quality Sound  
Ike Jesurun  
Ike Jesurun/ Egòn Pieter

Letra Kentadó Mayó 2024



# Ban gradisí shelu ku tera a duna nos

Ritzel "Ricky" Godfried

(NOOT: Koro ta rechts/kanta ta links)

Ban gradisí, ban gradisí ban gradisí awe,  
Ban gradisí ku man nan laira ku tera a duna nos 2x

Tata masha danki pa e gran yobída, I pa  
Bendishoná nos tera ku fertilidad  
Unda ku a koba I tira simia aden, a pari na  
Abundansia, ai ki felisidad  
Mi ke tende

Ban gradisí, ban gradisí ban gradisí awe,  
Ban gradisí ku man nan laira ku tera a duna nos 2x

Te asta móli móli, shimarúku i marípanpún a bolbe saka kara despues di bia  
di zjíl. Esaki t'un yobída pa nos no lubida Renbak a yena, dam a yena te  
hast'e pos a basha afó.

Ban gradisí, ban gradisí, ban gradisí awe,  
Ban gradisí ku man na laira ku tera a duna nos. 2x

Polin Enzing mi wela grandi, semper a konta nos, ku tera di manzaliña ta  
bendishoná, Awe nos wowo mes a mira ku tin man pa piki tur. mangazína  
patrás di kas no tin lugá pa warda mas. Eh eh..

Ban gradisí, ban gradisí, ban gradisí awe,  
Ban gradisí ku man na laira ku tera a duna nos. 2x



Ban mira  
yena tur makutu ku bèrdura tambe fruta i tumba  
kabes pa'riba pa wapa den Seú.  
Bario Manzaliña, pabou di Barber tambe tey  
Pa saka kar'i Polin Enzing kon su kunúku a produsí.  
Nami e koro

Ronka barí, ronka barí  
Lag'e barí bai ronka awe.  
Kachu ku chapi  
Kachu ku kachu  
lag'e Seú bai mara awor

He mi ke tende  
Seú ta zona 2x  
Lagé zona, lagé pronka 2x  
He mi tata dushi, e Seú ta kana dushi  
Ay mi tata dushi, e Seú ta zona dushi  
Fiest'i mi kosecha  
Orgúyo di mi tera  
Lagé mara, lagé zoné  
Pami wapa.. te pa'riba  
Koncha bin dilanti, ay koncha bai patrás  
Zoya aki banda, zoya aya banda  
Fo'i banda abou nos tur a bini ku makútunan kargá  
Fruta I bèrdúra di nos mes kosécha  
Awe hofi Manzaliña ay konosí pabou di Barber,  
Tin fiesta ku su kosécha den marcha di Seú  
Tin motib'í wapa 2x  
Hala faha bo kalambe I broma ku bo sombré  
Tapúshi ta na laira  
Mira lensunan bunita  
Esaki ta kultúra Kultúra di mi tera  
Kultúra heredá di nos grandinan  
Ku e penetrá profundo den nos benanan

-Kaya tey haña



**Ban gradisí, ban gradisí, ban gradisí awe,  
Ban gradisí ku man na laira ku tera a duna nos. 2x**

**Hopi maíshi**

**-Tera a duna nos**

**Patía I milón**

**Mira lamunchi**

**Batáta dushi**

**Sibóyo largu ku pampúna**

**Prementòn na abundansia**

**Giambo I bonchi Wándo**

**Pinda I batáta dushi**

**Kòm kòmber chikí, tomáti, sibóyo largu.**

**Tur sorto di yerba, tambe móli móli marípanpun**

**Habri man bin tuma bèrdúra di nos kosécha**

**Habri man bin tuma fruta di nos kosécha**